



partii naleraq

25.sept 2019

UKA2019/144

Utoqqalinersiaqarneq pillugu Inatsisartut inatsisaata allanngortinnissaa pillugu Inatsisartut inatsisaat nr. xx, xx. xxx 2019-imeersoq

(Utoqqalinersianik ikilisitsisoqartinnagu aningaasanik innuttaasup akissarsiarisinnaasaanik qaffaaneq)

(Peqqissutsimut, Isumaginninnermut Inatsisinillu Atuutsitsinermut Naalakkersuisoq)

25.sept 2019

UKA2019/91

Utoqqalinermit siusinaartumillu pensionisiat allanngortinnissaa isertitaqarnerit nassatarisaannik annikillineqartarunnaarnissaasa kinguneqaataannik pillugit Naalakkersuisut kingusinnerpaamik UPA2021-mi nassuiaammik saqqummiussinissaannik peqquneqarnissaat pillugu Inatsisartuni aalajangiiffigisassatut siunnersuut.

(Inatsisartunut ilaasortaq Siverth K. Heilmann, Atassut)

Utoqqalernerisuteqarnermik aqqiinnissamik saqqummiussaqaarneq isummorsorfigissavarput uanilu oqaasissagut saqqummiutissavagut.

Siullermik Naalakkersuisoqatigiit isumaqatigiissutaat issuaffigilaarniarpara. **“Utoqqaat tunngaviusumik utoqqalinersiutiminnik ilangaaffigineqaratik sulinerimikkut isertitaqarsinnaanerit aqqiivigineqassaaq, 2020-imiit aallartittumik. Utoqqaat tamarmik naligiimmik tunngaviusumik utoqqalinersiuteqalersillugit, saniatigut suliffeqarneq, katissimaneq, aappariinneq najugaqatigiinnerluunniit apeqqutaatinnagit.”** Uanilu siunnersuumi saqqummiunneqartumi tamanna takusinnaanngilarput, uffalu isumaqatigiissummik ukioq 2020 aallartiffigalugu isumaqatigiissutaagaluartoq. Tassanilu takoqqipparput oqaatsit kusassakkat timitaqanngitsut aasiit isumaqatigiissutaagaluartut utoqqarnut tamanut eqqortinneqanngitsut.

Utoqqalinersiutit qaffannissaat pimoorunnerusariaqarparput ilaatigummi ukiut arlallit eqqartorpagut utoqqarnut pitsaaneruumik atugassaqartitsisariaqartugut. Ulluinnarni inuuniarnikkut atukkat kiffartuussinerit akimikkut qaffakkiartuinnartut. Ineqarnermut tunngasut inuussutissat akii qaffakkiartuinnartut isigissagaanni ilaatigut utoqqaat tigusartagaat aningaasat amigartut utoqanik kattuffianillu oqartiartuutigneqartarput. Tamannalumi pissutigalugu utoqqalinersiutit qaffannissaat neriorsuutaajuarnikuuvoq.

Uanilu utoqqalinersiutilinnut qaffaanissamik saqqummiussaqaarneq tamakkiisumik utoqqarnut sunniuteqarnaviannngitsoq takusinnaavarput. Tassanilu soorunami utoqqaat sulinerimikkut isertitaqarsinnaanerit pitsaanerulersinniarnearpoq tassanilu maluginiagassaavoq aningaasatigut iluaqteqartussat tassaapput ullumikkut utoqqaat suliffeqarnerimikkut pissarsinerulaartussat.

Akerlianik utoqqarpasuit pitsaanerulersitsinissamik malugisaqarnaviangillat tassami utoqqaat suliffeerusimasut innarluuteqalersimasut imaluunniit sulisinnaanermikkut killeqartitsilersimasut pitsannorsaatisamimik malugisaqarnaviangimmata, utoqqalinersiutaammi qaffanniarneqangillat.

Pingaartumik utoqqaat sulerusukkaluit suliffissaqarnissaat tamakkiisumik ilimanangimmat assersuutigalugu nunaqarfinni isorliunerusuni illoqarfinni, aammalumi illoqarfinni angisuuni sulinnikkunik utoqqaat aningaasatigut malugisaqarnaviangillat uani siunnersuummi utoqqaat sulinnigitsut pitsannorsaatisamimik malugisaqarnaviangimmata.

Uanilu utoqqaat sulinerikkut amerlanerusunik aningaasanik pissarsisussanut ernumanarpoq aamma sukumiisumik qulaajanikkut paasissutissat amigaataarpasimmata. Sulinerikkut isertitaat qaffappata taava kingunissaai utoqqarnut suussappat. Ineqarnermut tapissutinik qassit piaaffigineqassappat, imaluunniit qassit ineqarnermut tapiissummik appasinnerusumik pissappat.

Ullumikkut utoqqartatta atugaat assut ilungersunartut naammattoortalerpagut, aappariit inuuniarnermikkut aammalu kisimiittut assut ajornartorsiuteqartut naammattuugassanngornikuupput.

Ajuusaarnarluinnartumik utoqqaat atukkamikkut ilaat imatut erloqinartigisumik atugaqalersimapput, allaat toqqartariaqartalersimallugu aappariittut avinnissartik tassalu avittariaqalernissartik. inuuniarikkut atukkatsik pitsaanerulissappata, imaluunniit aappaasoq utoqqalinersiutinik pissarsisinnaangimmat pissarsissappat utoqqalinersiutinik aappariittut avittariaqartarlutik.

Taamatut atugaqartitsinerput atugassaqartitsinerpullu utoqqarnut kangusuutigisariaqarput, taava naak neriorsuutigut utoqqarnut pitsaanersumik atugaqartitsinissamut.

Tassami utoqqaat ukiorpassuarni inuiaqatigiinni suleqataareerlutik, akileraartarnikkut inuiaqatigiinnut napatitseqataareerlutik utoqqanngornerminni sulisinnaajunnaarlutik utoqqalinersiutinik utoqqanngorlutik pissarsisinnaajunnaarsimagunik inuiaqatigiinni napatitseqataareerlutik taava ajortoqarpoq.

Allaat utoqqaat aappariit avittariaqartalersimallutik inuiaqatigiinni utoqqanngornerminni ikiorneqarsinnaanginnamik. Tassami aatsaat aappariittut avikkunik utoqqalinersiutinik pissarsisinnaangussagamik tamanna ajorluinnarpoq inuup utoqqaap tarninga akigineqarsinnaangilaq akuersaarneqarsinnaangilarmi uanilu utoqqarnut taamaaliortarnerput pisinnaatitaaffianeruvoq uanilu tamanut utoqqalinersiutinik utoqqarnut aaqiiisoqartariaqalerpoq.

Soorunami ajorinngilluinnarparput utoqqaat sulisinnaasut aningaasarsiornerulernissaat tamannalu taparserparput. Kisiannili tassa una uparuarparput utoqqaat sulisut kisimik sulinerikkut aatsat pitsannuummik malugisaqassammata uanilu aamma takuarput kingunissai tamakkiisumik ilisimanagit inatsimmik suliaqarniartugut ilaatigut akilerartarnikkut kommuninut kingunissai ineqarnermut tapiissutinut allanullu tapit eqqarsaatigalugit.

Uani inatsisissatut siunnersuummi ajoraluartumik utoqqaat immikkoortillugit inatsisiliortoqarniarpoq. Tassanilu utoqqaat suliffeqangitsut aammalu sumiiffimminni suliffissaqangitsut sulinnigitsut ersarissumik oqaatigalugu utoqqanngorsimasut angerlarsimallutik pitsannorsaammik aningaasanillu pissarsinaviangimmata. Tamannalu utoqqarpasuarput

isumalluaraluartunut annertuumik pakatsisitsissaaq, tassami taakkua aningaasat tigusartagaat qaffaffigineqarnaviannngillat, tamannalu utoqqarnut nuanninngilaq tassami isumalluarsaarneqarput tamakkiisumik aaqqiinissaq 2020-imiit eqqunneqassasut kisiannili taamaaliortoqarniannngilaq.

Atassutip siunnersutaa naatsumik oqaaseqarfigissavarput misissuinissamik siunnersuut pineqartoq annerusumik oqaaseqarfiginagu akuersaarparput. Tamannalu aatsaat UPA 2021-mut saqqummiunneqassasoq tunngaviatigut misissuinissaq isumaqatigisinnaagunarparput. Tassami aatsaat 2021-mi misissuinerup inenera takusinnaalissavarput, uaguullu Partiit Naleqqamiit isumaqarpugut siusinnerusumik naammassineqarsinnaagaluartoq assersuutigalugu kingusinnerpaamik ukiakkut 2020-mut.

Taamatut oqaaseqarluta ataatsimiititaliami suliarineqarnissaa innersuussutigaarput.

Hans Enoksen